

Q V Æ S T I O M E D I C A

Q V O D L I B E T A R I I S D I S P V T A T I O N I B V S

M A N E D I S C V T I E N D A I N S C H O L I S M E D I C O R V M .

D I E M E R C V R I I X X V I I I . M E N S I S N O V E M B R I S ,

M . N I C O L A O H E L I O T D o c t o r e M e d i c o , M o d e r a t o r e .

An Astronomia vsui Medico necessaria?

740



V T M E D I C V S sine Medicina sublimi, ardua, vnica arte absolutē ad bene viuendum necessaria, nullus; apage ergo Chymistas, idiotas, profanos, Iudæos, Monachos, histri-
ones, anus: ita sine diagnosi, prognosi, therapeiā, Medicina nulla; apage Methodicam, Empiricam, Magiam, Superstitiosam, hæc vt finem (qui est curatio non sanatio) asse-
quatur, secum adsciscit bonas disciplinas, Philosophiam, quam qui Medicinæ maritauerit, *iodices*; Mathematicas omnes, Arithmeticam, Musicam, Geometriam, Physiogno-
miam, Chiromantiam, Metoposcopiam, Oniroticam, Geographiam, vice omnium Astronomiam iudiciariam, morborum vt rerum omnium euentus, causas, essentias,
proprietas prædicentem, vnicē scientiam dictorum parturientem; ægrum Astrorum ignaro ne committe. Medico non minus conspiciendum Astrum est, quàm lotium.



G E N E R A T V R diagnosi (ex vrina quàm ex pulsibus tutiore) certa cognitio & apprimē vtilis rerum naturalium, similibus aut contrarijs seruandarum, temperamenti, hu-
morum, partium peculiari actione, proprio dolore, situ, accidentibus, excrementis inuestigandarum; ætatis, sexus, tempestatis: neutrorum in statu naturali positorum, æris,
cibi, potus, exercitationis, vacationis, animi perturbationum: rerum contra naturam morbi & causæ morbificæ, neutiquam symptomatum; primis debetur per contraria cu-
ratio, vltimis nulla. Morbus se prodit actione propria, quàm lædit, speciali particula, quàm afficere, eiusdemque excrementis quæ vitare natus est, dolore peculiari quo punit,
varijs accidentibus *expositis*, pathognomonicis: valet plurimum in hoc affectu propalando parentū vitium hereditarium, corporis habitus, temperies, ætas, sexus, tempestas
anni, Regio, victus ratio, consuetudo, analogia ex morbo grassante, lædentiā, iuuantiā. Prognosis exitus morbi, eiusdemque euentus modos per critica, longitudinem aut breui-
tatem per peptica signa expiscatur; initio, incerta; in acutis, plerumque fallax; in longis, varia, difficilis: Ægro obsequentiore factō, Medico futura præueniente, inhibente,
morbi expulsionem promouet, vitam prorogat, stabilit medicamentorum auctoritatem, famam tuctur medici, cum deploratōs non attingit, morbos non innouat, à reple-
tione curatu faciliores pronunciat.



E T M O R B O R V M & nascitium vera est, sed diuersa cœlestis thematis fabrica; Nec mirum? vtriusque licet idem sit significator horoscopus: mutilum vides? prauorum
morum credas: monstrorum ab Astris horrenda effigies. Gemellis diuersum exitum, mores, accidentia, variā itidem originem largiuntur sydera: insignes tempestatum *meteo-
rōrum* vndenam repetendæ? cui causæ Epilepticorum insulturæ? cui febrium *epidemicorum*? morborum acutorum *Keaton* nisi Lunæ, longorum *Lucas* nisi Soli, certus incertus terminus? cui
felis oculorum, ossium medullæ, vt reliquorum humorum accretio, decrementum? inde Asthmaticorum recursus noui; periodica Maris reciprocatio; menstruum ad
generationem, mulieris salutem, pulchritudinem, institutorum Lunaris circuitus: cur dysenteria à conceptione in horis bilis facta? cur hinc segetes, illinc veniant felicius vuc?
Magnetis ad polum conuersio sine supernis luminibus, *de la Roche*; causam morborum nouorum puta Neapolitani, variolarum ac morbillorum curiosius perquiris? solos consule
Astrólogos: pestilentibus morbis occasio est maxima maleficorum Martis & Saturni coniunctio. Signum quod Luna tempore decubitus occupat partem laborantem aperit,
affectum, affectus causam cum signis & hora planetaria Planetæ configurati; eius magnitudinem, augmentum ad Lunam numeris & lumine auctam vel dementem, in fau-
stus inuitus.



N S Y D E R V M ortu & occasu salutaris aut morbosæ tempestatis eruimus notas; nec minus certo indagamus annos læthales climactericos, quos progignit maleficorum
planetarum in vnoquoque septenario, nouenario imperium, hinc maximē exitialis ex vtroque simul compositus numerus. Fortis est ac potens in genesi hylec, plures
annos ne dubites polliceri, hominum vitam breuiorem quàm antiquius credere, æquē ridiculum est, ac naturam debiliorem quàm olim, mundum senescere, calidum innatum
minus tale quale reparabile, plus alterabile: quamuis minus beneficis Astrorum influxus ceteris causis adiuantibus pauciores annos vt plurimum imperiatur. Septimestris
partus vitalitatem fouet Luna. Apoplexiæ Plenilunio periculosiores, fluores, *expositis*, feliciores; parturientibus facilis vterus: hac Lunæ ætate lienosorum durities recrudescunt,
supremæ arcis vulnera, funestiora. Vere, Autumno præsertim, phthisicorum inter neciones; Aspectus benefici, fortunarum aut infortunarum in angulis decernentibus, mortem
aut felicem exitum prædicunt euenturum; vt diuturnitatem aut breuitatem magis concisa aut prolixior Lunæ syzygiarum ad planetas faustos aut funestos intercapedo: eadem
crescens & velox in Martis opposito aut quadrato in morbis à plethora, accidens instabile, mortiferum designat: in Capricorno, tempore decubitus aut quouis puncto cardi-
nali periculum minatur, in æstiuo maius.



S T R O R V M lux cesser, influxus & motus, reliquorum vita peribit. Perfectorum ac imperfectorum intercipiatur generatio. Anima sapiens adiuvat opus Stellarum, dum
cenam prandio liberaliorem præseribit; felicior coctio Planeta vim coctricem corroborante in aspectibus beatis, dignitatibus tam accidentarijs quàm essentialibus præside-
te; de reliquis animæ facultatibus par esto iudicium. Nec ergo ridendi Theſſalus & Crina medici cibos ex Ephemeride Mathematica dum exhibent, horafque obseruant. Cathar-
tico Capricorno ascendente hausto, mors; minus periculolum nec faustum, sed ægrius operatur sub cane & ante caniculam. Catharsis Luna lumine aut numeris aut vtrisque
diminuta in signis terrestribus aut nulla, aut pauca, aut mala; idem credas de phlebotomia, Luna sub radijs solis combusta, in signis sanguini minime analogis. *Suſcitatus* Chirur-
giæ partis opera, vlcera depaſcentium, vulnerum, capitis præsertim, tumorum curationem, Luna dum ad minora fertur & luce deficit, aggredere: in solstitijs, præsertim Æſti-
uo & Æquinoctijs, nihil quicquam moueto.

Ergo Astronomia vsui Medico necessaria. 186.



Proponebat Lutetiæ NICOLAVS MATHIEV Barroductus Anno A. R. S. H. M. DC. XXIX.

DOMINI DOCTORES DISPVTATVRI.

M. Hugo Chasles.
M. Nicolas Heliot, Præses.
M. Ioannes Vacherot.

M. Claudius Seguin.
M. Ioannes Baptista Ferrand.
M. Simon le Létier.

M. Gabriel Biart.
M. Ioannes Desjoris. M. R.
M. Renatus Chartier. M. R.